

# Gerichts Ordnung. III

Verlängerung eruolge. Demnach so sollen hinsuro die Lanndts-  
recht dreymal im Thar vnd jedes mals vier wochen lang vnd zu  
jedem Lanndtſtrechten acht öffentliche Rechts tāg gehalten vnd  
besessen werden. Es wären dann der beschloßnen Gerichtlichen  
oder Summariſachen nit ſouill verhanden alſdann mögen die  
Lanndtſrecht zeitlicher außgehöpt werden.

## Von dem Lanndtſchreiber.

**N**ir wollen auch dem Gericht yederzeit ain Erbare ges-  
chic̄hte wolerfarnne Person zu ainem Lanndtſchrei-  
ber fürnemen vnd verordnen welches ampt ist das Er der Landt-  
Cantzley mit vleißiger versorgung aller Acta Gerichtshandlun-  
gen vnd ſchriften vorſtee vnd den Partheyen. So vor diſem  
Gericht zehandlen haben fürderliche Expedition mit aller Be-  
ſchaidenhait vnd guetem glimpffen für ſich ſelbs vnd durch  
ſeine Cantzley Personen eruolgen laſſe die Partheyen an den Ter-  
minen vnd jren Rechten ſouil an jme ſein wierdet mit verthürtze  
oder verabſaume auch dergelben Acta vnd brieſliche vrthunden  
in vleißiger verwahrung vnd gehaim vnd allenthalben ordens-  
liche guete Registratur vnd Richtigheit wie ſolches alles nach-  
uolgunde ſein Aydſpflicht mit ſich bringt erhalten ſolle.

## Des Lanndtſchrei- bers Ayd.

**A**r werdet ainen Ayd zu Gott vnd den Heyligen Schwei-  
ren vnd bey Euren Ehren vnd trewen angeloben  
dem

# Khüniglicher May. Newe

dem allerdurchleuchtigisten Grossmächtigisten Fürsten vnd  
Herrn / Herrn Ferdinanden Römischen auch zu Hungern vnd  
Wehaim / &c. Khünig / Infannen in Hispanien / Ertzhertzogen  
zu Österreich / Hertzogen zu Burgundi / &c. vnserm allergnädigis-  
ten Herin / Irer Khü. Mat. vnd derselben Erben / Ehr. nutz/  
vnd frummen zubetrachten / derselben nachtail vnd Schaden/  
souil an Euch zuwenden oder zuwarnen / Das Lanndtschreiber-  
amt des Lanndtsrechtens in Österreich vnnder der Enns / trew-  
lichen vnd aufrichtiglichen zuversehen / alle hanndlungen / vnd  
Schriften trewlich zuverwharen / vnd in ordnlicher Registras-  
tur zuhalten / was in Khatschlagen / oder sonst in der Partheyen  
Gerichtlichen Summarien oder andern Sachen gehandlt wier-  
det / dasselsb khainer Parthey zuerössnen / sonder alles in gebütlis-  
cher gehaim / bis in Eur Grueb zuhalien / Euch khainer Parthey  
anhengig zemachen / sonder dem Armen als dem Reichen / vnd  
dem Reichen als dem Armen ain gleiche füerderliche Expedition  
eruolgen zelassen / bey khainer handlung zusein / die wider Ir Khü.  
Mat. derselben Erben oder nachgesetzte Lanndtsfürstliche Regi-  
gierung sein möchte / vnd in dem allen / weder muth / Gas / freindts-  
schafft / veindtschafft / noch ichtes anders anzusehen / Sonnder ges-  
mainlich alles das zethuen / das ainem aufrichtigen getrewen dies-  
ner / vnd Lanndtschreiber gebürt / auch der Erbarkhait vnd pil-  
lichait gemeß ist / ongeuerde.

**L**S sol auch ain Lanndtschreiber / khain Vrthl oder Abschied  
erössnen noch den Partheyen ainichen Khatschlag hin-  
auf geben / es werde dann solch Vrthl / Abschied / oder  
Khatschlag zuvor durch den Landtmarischall /  
Landtundermarschall / vnd Beyss  
ter / So denselben bes-  
chlossen / abges  
hört.

Von